



ХАЛЫҚ ПЕН БИЛІК

ӨЗЕКТІ МӘСЕЛЕЛЕР ШЕШІМІН ТАППАҚ

ӨТКЕН АПТАНЫҢ 16-17 КҮНДЕРІ АРАЛЫҒЫНДА ОБ-ЛЫС ӘКІМІ НҮРДАУЛЕТ ҚИЛЫБАЙ БЕЙНЕУ АУДА-НЫНДА ЖҰМЫС САПА-РЫМЕН БОЛЫП, АУДАН ТҮРҒЫНДАРЫМЕН ЖҮЗДЕСУ ӨТКІЗДІ.

Бұл жиынға аудандық қоғамдық кеңес мүшелері, атқарушы билік өкілдері мен аудан тұрғындары қатысты. Көпшілік алдында аудан әкімі Р.Шалбаев 2024 жылдың тоғыз айындағы атқарылған ауданның экономикалық даму барысы туралы баяндама жасады. Баяндамада аудан басшысының

сайлауалды бағдарламасының негізгі бөлігі орындалып, ауданның әлеуметтік-экономикалық жағдайы арта түскен. Әлі де халық тұрмысының сапасын арттыру мен әлеуметтік қажеттіліктерді одан әрі

дамыту жұмыстары қолға алынбақ. Аудан халқының саны табиғи және демографиялық өсіммен жыл санап артып келеді. Халық санының артуына орай ауданда білім беру мекемелерінің де қажеттілігі



туындап, биылғы жылдың өзінде екі «Жайлы мектеп» білім күніне пайдалануға берілді. Қазіргі таңда халықтың сұранысын орындау мақсатында заманауи талаптармен жабдықталған Бейнеу көпбейінді аудандық ауруханасына қайтарылған активтер қаржысымен күрделі жөндеу жұмыстары жүргізілуде. Бұл халыққа медициналық қызмет көрсетудің жаңа мүмкіндігі болмақ. Тұрғындардың сұраныстарының бірі – теміржол вокзалы мен ауылшілігі және елді мекендер аралық көлік қатынасы болатын. Қазіргі таңда бұл сұраныстары да



қанағаттандырылып, барлық бағыттағы елді мекендерге және ауылшілігі маршрут-та жаңа автобустар қатынасы жүзеге асырылып, заманауи талаптарға сай жаңа вокзал құрылысы қарқын алуда. Аудан әкімінің есептік баяндамасынан кейін аймақ басшысы халықтың сұрақтарына жауаптар беріп, аудан тұрғындарының ұсыныс-тілектерін тыңдады. Өзекті мәселелердің бірі – халықты жұмыспен қамтамасыз ету саясаты. Ел-халықтың осы сұранысын қанағаттандыру мақсатында облыс басшысы аудан аймағындағы өндірістік мұнай мекемелерінің басшыларымен бөлек жиын өткізіп, бірқатар тапсырмалар жүктеді. Атап айтқанда «Мейрбуш» ЖСШ, «ҚазАзот» ЖСШ, «Табынай» ЖСШ, «Қазахтүркмұнай» ЖШС, «Nobilis Corp»

ЖСШ, «Эврика Олеум» ЖСШ және «Абсолют Ойл Лтд» жеке компаниясы басшыларымен келіссөздер жасалды. Аталған мұнай кәсіпорындарына алдымен аудан тұрғындарын жұмыспен қамтып, әлеуметтік жауапкершілік аясында балаларды оқытуға, кәсіп бастауға гранттар бөлу және әлеуметтік нысандар салу мәселелері тапсырылды. Бұл аудан тұрғындары үшін көптен қордаланған негізгі талап тілектерінің шешімі табылған жаңалығы болды. Жиын соңында облыс әкімі Н.Қилыбай тұрғындарды жеке өтініштерімен қабылдап, айтылған мәселелерді шешуге жауапты сала басшыларына нақты тапсырмалар берді.

Г. ШЫМБЕРГЕНҚЫЗЫ.



ЗАҢ МЕН ТӘРТІП

ҚОҒАМДАҒЫ ҚАУІПСІЗДІКТІ
САҚТАУДА, ҚЫЛМЫС ПЕН
ҚҰҚЫҚБҰЗУШЫЛЫҚТЫҢ
АЛДЫН АЛУ ЖӘНЕ ЗАҢ МЕН
ТӘРТІПТІҢ ОРЫНДАЛЫ-
СЫН БАҚЫЛАУДАҒЫ ПОЛИ-
ЦИЯ ҚЫЗМЕТІНІҢ ЕНБЕГІ
ОРАСАН ЗОР. ОСЫҒАН ОРАЙ
АУДАНДЫҚ ПОЛИЦИЯ
БӨЛІМІНІҢ БАСШЫСЫМЕН
СҰХБАТ ЖҮРГІЗГЕН ЕДІК.



ПОЛИЦИЯ – ТЫНЫШТЫҚ САҚШЫСЫ

1. Еркебұлан Ермекебайұлы, полиция бөлімінің құрылымдық жайы жөнінде айтып өтсеңіз?

– Полиция - Қазақстан Республикасының ішкі істер органдары құрамындағы құқық қорғау органы болып табылады. Оның негізгі міндеті – қоғамдық тәртіпті сақтау, азаматтардың қауіпсіздігін қамтамасыз ету, қылмыстың алдын алу және оны ашу. Бөлім құрылымы ҚР Ішкі істер министрлігінің нормативтік актілеріне сәйкес қалыптастырылған. Құрылымда жедел-тергеу, криминалдық полиция, әкімшілік полиция, жергілікті полиция қызметі, кадр жұмысы, қаржы-шаруашылық бөлім және тағы басқа қызметтік бағыттағы секторлар бар.

2. Полиция қызметкерлерінің қоғам алдындағы жауапкершілігі мен міндеттері қандай?

– Полиция қызметкерлері – мемлекет пен халық арасындағы сенімді байланысты қалыптастыратын жауапты тұлға. Біріншіден, қоғамдық тәртіп пен қауіпсіздікті қамтамсыз етеді. Екіншіден, қоғам алдындағы жауапкершілік, азаматтардың құқықтары мен бостандықтарын қорғау және заңның үстемдігін қамтамасыз етіп, қауіпсіз орта қалыптастырады. Яғни әрбір әрекеті заң мен қоғамның моральдық формаларына сай келуі тиіс. Тәртіп сақшыларына қызметін асыра пайдалану немесе өкілеттілігін теріс қолдануға жол берілмейді. Ол үшін заң мен қоғам алдында жауапты.

3. Мемлекет тарапынан полиция қызметкерлеріне қандай жеңілдіктер қарастырылған?

- Қызметкерлерге мемлекет тарапынан бірқатар әлеуметтік кепілдіктер мен жеңілдіктер қарастырылған. Атап айтқанда, қызметтік тұрғын үймен қамтамасыз ету, зейнеткерлікке ерте шығу (25 жыл еңбек өтілі бойынша), медициналық қызмет көрсету, арнайы киім және құралдармен қамтамасыз ету, жоғары жалақы және қосымша төлемдер (тәуекелділік үшін, шұғыл қызмет үшін және т.б.) беріледі.

4. Қоғамдық тәртіп бұзу мен қылмыс түрлерінің жай-күйі жөнінде не айтасыз?

- Қазіргі таңда аудан көлеміндегі қоғамдық-саяси жағдай тұрақты. Қоғамдық тәртіпті бұзу мен қылмыс жасау фактілері тіркеліп тұрады. Алайда соңғы жылдары қабылданған профилактикалық шаралардың нәтижесінде орта санаттағы қылмыс түрлері азайды. Бұған қоса, көшедегі құқықбұзушылықтар, отбасылық-тұрмыстық жанжалдар және әкімшілік құқықбұзушылықтардың алдын алу бойынша жұмыстар күшейтілді.

5. Ұрлық, қасақана зиян келтіру және ауыр қылмыстардың ашылуы қалай жүргізілуде?

- Аталған санаттағы қылмыстар бойынша жеделіздестірушараларжүргізіледі. Криминалдық полиция қызметкерлері жедел ақпаратты жинау, бейнебақылау материалдарын зерделеу, күдіктілерді анықтау және дәлелдемелерді бекіту жұмыстарын атқарады. Соңғы көрсеткіштерге сүйенсек, ауыр қылмыстарды ашылу деңгейі 80-90% аралығында.

6. Жастар мен жасөспірімдер арасындағы тәртіп бұзушылықтар және олардың

алдын алу шаралары туралы айтсаңыз?

- Жастар арасында кездесетін құқықбұзушылықтарға негізінен түнгі уақытта көшеде жүру, ұсақ бұзақылық, мас күйінде қоғамдық орында болу және кәмелетке толмағандардың құқықтық жауапкершілігін түсінбей себеп болады. Алдын алу мақсатында мектеп инспекторлары, ювеналды полиция қызметкерлері профилактикалық кездесулер, дәрістер мен түсіндіру жұмыстарын тұрақты жүргізуде. Сонымен қатар ата-аналармен түсіндіру жұмыстары да қолға алынған.

7. 2025 жыл – «Профилактика жылы» аясында қандай қызметтер атқарылды және нәтижесі қандай болды?

- ҚР ІІМ: 2025 - «Профилактика жылы» деп жариялануына сәйкес аудандық полиция бөлімімен жан-жақты және жүйелі жұмыстар жүргізілуде. Атап айтқанда, құқықбұзушылықтардың алдын алу бағытында «Қауіпсіз жол», «Тасымалдаушы», «Тұрмыс», «Мал ұрысы», «Таза Қазақстан», «Құқықтық тәртіп», «Назар аударыңыз жаяу жүргінші», «Жасөспірім», «Учаске», «Абайлаңыз, балалар!», «Дәрмек», «Stop трафик» т.с.с жедел профилактикалық іс-шаралар жоспарлы түрде жүзеге асырылуда. Бұл шаралар қоғамдық тәртіпті нығайтуға, әсіресе тұрмыстық және көшедегі құқықбұзушылықтардың алдын алуға оң әсерін тигізді.

Сонымен қатар полиция қызметінің ашықтығы мен халыққа жақындығын арттыру мақсатында бірқатар жаңа формалар енгізіліп, тұрақты түрде жүргізіліп келеді. Мысалы, «Аулада қабылдау» акциясы аясында учаскелік инспекторлар мен бөлім басшылығы тұрғын үй аулаларында, халық көп жиналатын орындарда азаматтарды қабылдап, проблемалық мәселелерді орнында шешуге күш салды.

Әр тоқсан сайын аудан тұрғындарымен кездесу өткізіліп, онда құқықтық тәртіп ахуалы, тұрғындардың ұсыныс-пікірлері талқыланып отырды.

Бөлім басшылығының азаматтарды жеке қабылдау кестесі бекітілген және бұл тәртіппен тұрақты түрде қабылдаулар ұйымдастырылды. Бұл – халықтың арыз-шағымын жедел қарауға, сенімді арттыруға мүмкіндік беріп отыр.

Онлайн тікелей эфирлер (әлеуметтік желілер арқылы) тұрақты ұйымдастырылып, полиция жұмысы туралы ашық ақпарат беріліп келеді. Азаматтардың сұрақтарына тікелей жауап беру тәжірибесі қоғаммен өзара байланысты күшейтті. Аталған шаралардың барлығы полиция қызметінің ашықтығын, халықпен кері байланысты және құқықбұзушылықтың алдын алу тиімділігін арттырды. 9 айдың қорытындысымен жалпы қылмыстық ахуалдың тұрақтылығы сақталып, кейбір санаттағы қылмыстардың төмендегені байқалды.

8. Аудан тұрғындарына «Заң мен тәртіп» қағидатының орындалуы үшін не айтар едіңіз?

- Әрбір азаматтың қауіпсіздігі мен құқығының қорғалуы – полиция қызметінің басты міндеті. Дегенмен заң мен тәртіпті сақтау – тек полицияның ғана емес, бүкіл қоғамның ортақ жауапкершілігі. Сол себепті аудан тұрғындарын құқықтық сауаттылықты арттыруға, заң талаптарын сақтауға және құқықбұзушылықтың алдын алуға белсенді атсалысуға шақырамын. Тәртіп – ортақ мүдде, ал оны сақтау – әр азаматтың борышы.

Сұхбат бергеніңізге рахмет, қоғам алдындағы жауапты қызметтеріңізге сәттілік тілейміз.
Сұхбаттасқан Таңат АМАЛБАЕВ.

КӘСІПТЕГІ ТАЛАП ПЕН ТАЛҒАМ



ҚАЗІРГІ ТАҢДА
ШАҒЫН ЖӘНЕ
ОРТА КӘСІПкерлік
ЕЛІМІЗДІҢ
ЭКОНОМИКАСЫНЫҢ
ҚОЗҒАУШЫ КҮШІ
САНАЛАДЫ. СЕБЕБІ
БҮЛ САЛА ХАЛЫҚТЫ,
ОНЫҢ ІШІНДЕ
ЖҰМЫССЫЗ АДАМ-
ДАРДЫ ЖҰМЫСПЕН
ҚАМТЫП ҚАНА
ҚОЙМАЙ,
МЕМЛЕКЕТТІҢ
ӘЛЕУМЕТТІК-
ЭКОНОМИКАЛЫҚ ДА-
МУЫНА ЗОР ҮЛЕСІН
ҚОСЫП ОТЫР.



Кәсіпкерлікпен айналысу - жұмыссыздық деңгейін төмендетуге айтарлықтай ықпал етеді. Яғни кәсіпкерлік сала – ауыл тұрғындары үшін жаңа жұмыс орны, жаңа мүмкіндіктер. Кәсіпкер болу үшін ауыл тұрғынына тек егін егіп, мал бағу аз. Нарықты түсінуге, шығын мен кірісті есептеу, салықтық есеп жүргізу, маркетинг пен сату жолдарын игеру – заманауи кәсіпкер үшін маңызды білім. Ауылда кәсіп ашу – елге пайда, өзіңе нәсіп. Бірақ бұл жолда жүйелі жоспар, дұрыс құрал және сенімді қолдау аса қажет.

Бүгінде нарықтық қоғамда түрлі кәсіп түрлері баршылық. Соның ішінде тағам өнімдеріне деген сұраныс күн санап артуда. Әсіресе күнделікті тұрмыста уақытты үнемдеуге мүмкіндік беретін жартылай дайын өнімдер мен шұжық түрлеріне деген қажеттілік жоғары. Бұл өнімдер - алдын ала тазартылып, тұралып, дәмделіп, термиялық өңдеуге дайын күйде сатылатын тағам түрлері.

Полифабрика өнімдері – қазіргі заман талабына сай, күнделікті тұрмыста қолайлы қажеттілік. Бұл жартылай дайындалған өнімдер әсіресе жұмысбасты адамдар мен студенттер арасында ерекше сұранысқа ие. Өйткені тағамды дайындауға көп уақытты қажет етпейді.

Осындай сұранысты қамтамасыз етіп отырған кәсіп иелері - ел экономикасының іргесін бекемдеп жүрген елеусіз еңбек адамдары. Солардың бірі - шұжық және жартылай фабрикат өнімдерін өндірумен айналысатын деген кәсіпкер, «Assorty Beineu» жеген атаумен өз өнімдерін шығарушы, ауданымыздың тұрғыны - Мадина Тілектесова.

Мадина бұл кәсіпке 2020 жылы ден қойған. Алғашында отбасылық шағын іс ретінде бастаған кәсібін бүгінде халыққа қажетті

сапалы өнім өндіретін тұрақты бизнеске айналдырған. Қазіргі таңда оның шұжық және жартылай дайын өнімдер шығаратын жұмысы кеңейіп, сегіз адамға тұрақты жұмыс орнын ұсынып отыр.



Бұл салада адалдық пен сапа басты орында. Себебі тұтынушының сенімін ақтау оңай емес. Әрбір өніміміз - біздің абыройымыз. Сондықтан шикізатты тексеріп, стандартқа сай өңдеп, санитарлық талаптарды қатаң сақтаймыз, - дейді кәсіп иесі.

Өндірісте ет және еттен жасалған түрлі өнімдер, табиғи жартылай дайын фабрикаттар, салқын тағамдар мен дайын салаттар, ысталған өнімдермен қоса шұжықтар дайындалады. Барлық өнім вакуумдалып, арнайы қаптамада сақталады. Соңғы жылдары Мадинаның өнімдері ауданишілік дүкендерде сатылымда жиі орын алады. Сонымен қатар дайындалған өнімдеріне көрші өңірлерден де тапсырыс күнделікті түсіп отырғандықтан, алдағы уақытта өнімдерін басқа облыстарға жеткізу қызметін

қарастыруды жоспарлап жүргенін айтты.

Жергілікті халық үшін мұндай кәсіптің маңызы зор. Біріншіден, жаңа жұмыс орындары ашылады. Екіншіден, ауылшаруашылығындағы ет өнімдерін өңдеу арқылы ішкі нарыққа үлес қосылады. Үшіншіден, отандық өнім импортқа тәуелділікті азайтады.

Кәсіпкердің айтуынша, болашақта өндірісті кеңейтіп, жаңа цех ашып, асортиментті көбейтіп, өз өнімдерін үлкен брендке айналдыруды мақсат етеді. Шұжық өнімдерін экспортқа шығару да жоспарда бар. Ол үшін технологияны жаңартып, халықаралық стандарттарға сай сертификат алу көзделуде.

– Мен бұл кәсіпке қызығушылығым арқылы келдім. Бастапқыда дайындаған өнімдерімді әлеуметтік инстаграмм желісі арқылы сатып бастап, кейін тұтынушылар саны күн сайын артып, жұмысыма арнайы дүкен ашып, жұмыссыз екі адамды жа-

ныма жұмысқа орналастырдым. Бүгінде жұмыс аясы кеңіп, жұмысшы саны сегіз адамға көбейіп, барлығымыз бір үйдің адамындай ауызбіршілікте жұмыссызды жалғастырып келеміз. Кәсіп бастағысы келетін замандастарыма айтарым - еңбек пен табандылық бәрінен бұрын тұрады. Бастапқыда қиындық болуы мүмкін, бірақ егер ниетіңіз бен өзіңізге деген сеніміңіз нақты болса, бастаған ісіңізден нәтиже болады, - дейді Мадина Сағынғалиқызы.

Қарапайым ауыл тұрғынынан табысты кәсіпкерге айналған Мадинаның еңбегі - отандық өндірістің нақты үлгісі. Осындай азаматшалардың арқасында ауылдың әлеуеті артып, жергілікті өнімнің қадірі көтеріле түсетіні сөзсіз.

Үміт ҚАЗДАЕВА.

ҚЫЗМЕТ ПЕН ҚҰРМЕТ

АДАМГЕРШІЛІГІМЕН
АРДАҚТАЛҒАН МАМАН



ӘЛЕУМЕТТІК ҚОРҒАУ ЖҮЙЕСІ
– ҚОҒАМДАҒЫ ЕҢ МАҢЫЗДЫ
ӘРІ ЖАУАПТЫ САЛАЛАРДЫҢ
БІРІ. БҮЛ САЛА МЕЙІРІМДІЛІК
ПЕН ЖАНАШЫРЛЫҚҚА,
АДАМГЕРШІЛІК ПЕН ЖОҒАРЫ
КӘСІБИ ЖАУАПКЕРШІЛІККЕ
НЕГІЗДЕЛГЕН. ОСЫНДА ЕҢБЕК
ЕТЕТІН ӘР ҚЫЗМЕТКЕР –
ӨМІРДІҢ ҚИЫН ЖАҒДАЙЫНДАҒЫ
ЖАНДАРҒА ҚОЛДАУ КӨРСЕТІП,
ҮМІТ ПЕН ЖЫЛУЛЫҚ СЫЙЛАЙ-
ТЫН АБЗАЛ ТҮЛҒАЛАР. СОЛАРДЫҢ БІРІ – ӨЗ ІСІНЕ
АДАЛ, ТӘЖІРИБЕЛІ МАМАН АРЫҚБАЕВА МАЛИКА
СЕЙЛХАНҚЫЗЫ.

Малика Сейлханқызы 1987–1990 жылдары Новосибирск облыстық медициналық училищесінде «мейірбике ісі» мамандығын меңгеріп, медицина саласына алғашқы қадам басты. Содан бері 37 жыл бойы ол осы салада табанды еңбек етіп келеді. Кәсіби жолында талай жанның саулығын жақсартуға, өмір сапасын арттыруға өз үлесін қосты.

2019 жылдан бастап ол «№ 5 арнаулы әлеуметтік қызметтер көрсету орталығы» коммуналдық мемлекеттік мекемесінің ұжымына қосылды. Бұл орталық 2019 жылдың 29 сәуірінде Маңғыстау облысы әкімдігінің шешімімен ашылған болатын. Мұнда 18 жастан асқан, созылмалы психикалық аурулар салдарынан күтімді қажет ететін 20 қызмет алушыға әлеуметтік және медициналық қолдау көрсетіледі. Бұл - үлкен жауапкершілікпен төзімділікті талап ететін маңызды жұмыс.

Арықбаева Малика Сейлханқызы – орталықтың диетолог және массаж жасау жөніндегі мейіргері. Ол қызмет алушыларға кәсіби тұрғыдан ғана емес, адами жанашырлықпен де көмек көрсетіп келеді. Малика Сейлханқызы әр науқастың

жағдайына ерекше көңіл бөліп, жан жылуын аямайтын мейірімді жан ретінде ұжым арасында да үлкен құрметке ие.

Ұзақ жылдар бойғы еңбегі мен жоғары кәсіби біліктілігі үшін ол басқарма басшылығынан және түрлі қоғамдық ұйымдардан Алғыс хаттар мен марапаттарға ие болған. Бірақ ең басты марапат - оның мейірімді жүрегімен жылу сыйлаған жандардың алғысы мен ризашылығы.

Әлеуметтік қорғау жүйесі қызметкерлері күні қарсаңында ұжым Малика Сейлханқызына шынайы ризашылығын білдіреді.

– Сіздің өмір жолыңыз - жанашырлықтың, кәсібиіліктің және еңбексүйгіштіктің айқын үлгісі. Сізге мықты денсаулық, отбасыңызға амандық пен береке, еңбекте толағай табыстар тілейміз. Сіз – біздің ұжым үшін үлкен мақтанышсыз! – дейді әріптестері.

Жақсы адамдардың өмірі - олардың атқарған еңбегінің өлшемі. Арықбаева Малика Сейлханқызының өмір жолы мен кәсіби қызметі осы сөздің жарқын дәлелі.

Аңсат ИБРАГИМОВ,
Әлеуметтік қызметкер.

БАҒДАР

14 ҚАЗАН КҮНІ «АУЫЛ» ПАРТИЯСЫ МЕН «АСAPEDIA»БІЛІМ БЕРУ ПЛАТФОРМАСЫНЫҢ ҰЙЫМДАСТЫРУЫМЕН МАҢҒЫСТАУ ОБЛЫСЫ БОЙЫНША ӨҢІРЛІК ФИЛИАЛЫ «ИННОВАЦИЯЛАР. ТҮРАҚТЫЛЫҚ. БОЛАШАҚ» АТТЫ АГРОХАКАТОН ӨТКІЗДІ. БҮЛ БАСТАМА АУЫЛ ЖАСТАРЫНЫҢ ИННОВАЦИЯЛЫҚ ОЙЛАУ ҚАБІЛЕТІН АРТТЫРУҒА, АУЫЛШАРУАШЫЛЫҒЫНДА ЦИФРЛЫҚ ЖӘНЕ ЭКОЛОГИЯЛЫҚ ШЕШІМДЕРДІ ЕНГІЗУГЕ БАҒЫТТАЛҒАН.

АУЫЛ ЖАСТАРЫ АГРОХАКАТОНДА
ӨЗ ИДЕЯЛАРЫН ҰСЫНДЫ

Іс-шараның басты мақсаты – жас буынды технология, ғылым және экологияның тоғысындағы өзекті мәселелерге жаңаша көзқараспен қарауға, сондай-ақ тәжірибе алмасу арқылы тың идеяларды жүзеге асыруға ынталандыру болды.

Агрохакатон мектеп оқушылары, колледж және жоғары оқу орындарының студенттері үшін жаңа мүмкіндіктерге жол ашқан тиімді алаңға айналды. Қатысушылар заманауи технологиялар мен тұрақты даму қағидаттарына сүйене отырып, ауылдық аймақтар мен қалалық ортаның тиімділігін арттыруға бағытталған жобаларын ұсынды.



Билығы агрохакатонға еліміздің түкпір-түкпірінен 200-ге жуық команда, оның ішінде Ақтау қаласынан 11 команда қатысып, өз жобаларының прототиптерін таныстырды. Ұсынылған идеялар «ақылды» ауылшаруашылығы, экологиялық тұрақтылық, ресурстарды тиімді пайдалану және цифрлық шешімдерді дамыту бағыттарына арналды.

Жарыс нәтижесінде ең үздік жобалар анықталды:

- I орын – «3D PRINT AKTAU» командасы Сейтбай Берекет Нұрланұлы («М.Тынышбаев атындағы Ақтау АЛТ көлік колледжі» ЖШС, 3-курс студенті)

- II орын – «Birdik» командасы Абласва Айгерим, Джангаберген Арайлы, Курпажанова Фарид, Қолғанатова Мөлдір, Кималатин Медине (Мурын жырау Сеңгірбекұлы атындағы Маңғыстау жоғары педагогикалық колледжінің 4-курс студенттері)

- III орын – «BIGDATA» командасы Токмурзинов Алан, Аубекерова Салтанат (Н.Марабаев атындағы №7 мектеп-лицейі КММ-нің 11 «А» сынып оқушылары)

Жеңімпаздар өздерінің шығармашылық және зерттеушілік қабілеттерін жоғары деңгейде көрсетті. Іс-шара аясында қатысушылар тәлімгерлермен, сарапшылармен пікір алмасып, жаңа тәжірибе жинақтады.

Агрохакатон – агроинновациялар, цифрлық сауаттылық және тұрақты даму салаларындағы ұлттық басымдықтарды жүзеге асырудың жарқын үлгісі. Мұндай жобалар ауылдық жерлердегі жастардың белсенділігін арттырып, заманауи технологияларды ауылшаруашылығына енгізуге дайын жаңа буын мамандарды қалыптастыруға ықпал етеді.

«Ауыл» партиясы мен Asapedia платформасы алдағы уақытта да осындай бастамаларды қолдап, жастардың инновациялық әлеуетін дамыту бағытындағы жұмыстарды жалғастырмақ.

<https://www.instagram.com/p/DPzEJEVjcCf/?igsh=ZmsxcnBsZnQ5ZGHw>

<https://www.instagram.com/reel/DPzCTE2jfPo/?igsh=MXZmb2gwZXUzMmOA==>

ХАБАРЛАНДЫРУ

«Тепке» ЖШС жобалар бойынша қоғамдық тыңдаулар өткізуге туралы хабарлайды: 2026 жылға арналған «Нормативті рұқсат етілген шығарындылар» «НРШ» жобасы; 2026 жылға арналған «Қалдықтарды басқару бағдарламасы», 2026 жылға арналған «Өндірістік экологиялық бақылау бағдарламасы», «Табиғатты қорғау іс-шараларының жоспары», Тепке кен орнында озыңқы өндіруші Т-4 ұңғымасын салуға арналған жеке техникалық және жобалық тереңдігі 3800 метр (±250м), Тепе кен орнында Т-5 және Т-6 бағалау ұңғымаларын салуға арналған топтық техникалық, жобалау тереңдігі 3800 метр (±250м) жобаларына ҚОҚБ.

Учаскенің географиялық координаттары және эсер ету аумағының географиялық координаттары: 44°53'39.99", 54°4'51.39".

Тыңдаулар 2025 жыл 2 желтоқсан сағат 11:00-де өтеді.

–Өткізу орны: Маңғыстау облысы, Бейнеу ауданы, Төлеп а. о., Төлеп ауылы, ауылдық клуб ғимаратында өтеді.

Платформа ZOOM: <https://us05web.zoom.us/j/2703168932?pwd=OTVCTmhblGyVklwWlFBaXN6NzRLZz09&omn=88126848620>

Конференция идентификаторы: 270 316 8932

Кіру коды: 96c0iG

Тұтынушы: «Тепке» ЖШС, Ақтау қаласы, 12-ш/а, 79/1 ғимарат, 203-кеңсе. тел: 8-702-400-40-10. БСН 071140024759

Жобаны әзірлеуші: «Рекорд Консалт» ЖШС, Ақтөбе қ, Марсеева, 38. бөл.7, тел: 87014848005. БСН 100740003476

Құжаттама <https://ndbecology.gov.kz> порталында және <https://www.gov.kz/memleket/entities/mangystau-eco/documents/> интернет-ресурста

Материалдарды сұратуға болатын электрондық пошта мекен-жайы және телефон нөмірі: too_record_konsalt@mail.ru, 87014848005

Ескертулер мен ұсыныстар <https://ndbecology.gov.kz>, және электр. ЖАО мекенжайы s.bazarbay@mangystau.gov.kz сайтында қабылданады.

ОБЪЯВЛЕНИЕ

ТОО «Тепке» сообщает о проведении общественных слушаний по проектам: Проект «Нормативов допустимых выбросов» НДВ на 2026 год; «Программа управления отходами на 2026г.», «Программа производственного экологического контроля на 2026 г.», «План природоохранных мероприятий», РООС: Индивидуальный технический проект на строительство опережающей-добывающей скважины Т-4 на месторождении Тепке, проектной глубиной 3800 метров (±250м), Групповой технический проект на строительство оценочных скважин Т-5 и Т-6 на месторождении Тепке, проектной глубиной 3800 метров (±250м).

Географические координаты участка и географические координаты территории воздействия: 44°53'39.99", 54°4'51.39".

Слушания состоятся: 2 декабря 2025 года в 11:00 часов

Место проведения: Мангистауская область, Бейнеуский р-н, Толепский с.о., с. Толеп, здание сельского клуба

Платформа ZOOM: <https://us05web.zoom.us/j/2703168932?pwd=OTVCTmhblGyVklwWlFBaXN6NzRLZz09&omn=88126848620>

Идентификатор конференции: 270 316 8932

Код доступа: 96c0iG

Заказчик: ТОО «Тепке», г. Ақтау, мкр. 12, зд. 79/1, офис 203. Тел. 8-702-400-40-10. БИН 071140024759.

Разработчик: ТОО «Рекорд Консалт», Ақтөбе қ. Марсеева, 38, бөл.7, тел: 87014848005. БИН 00740003476

Документация размещена на портале <https://ndbecology.gov.kz>, и интернет-ресурсе <https://www.gov.kz/memleket/entities/mangystau-eco/documents/>

Адрес электронной почты по которой можно запросить материалы: too_record_konsalt@mail.ru, 87014848005.

Замечания и предложения принимаются на <https://ndbecology.gov.kz>, и электр. адрес МИО s.bazarbay@mangystau.gov.kz

ХАБАРЛАНДЫРУ

«КазАзот» АҚ «Шағырлы-Шөмішті» филиалы «2026-2033ж. ластаушы заттардың рұқсат етілген шығарындылар нормативтері жобасын, Рұқсат етілген төгінділер нормативтері жобасын, Қалдықтарды басқару бағдарламасын, Өндірістік экологиялық бақылау бағдарламасын, қоршаған ортаны қорғау іс-шаралар жоспарын түзету» бойынша қоғамдық тыңдаулар өткізетіндігін хабарлайды:

Тыңдаулар 2025 жыл 5 желтоқсан сағат 15:00-де өтеді.

Өткізу орны: Маңғыстау облысы, Бейнеу ауданы, Бейнеу селосы, «Абыл» мәдениет үйінде өтеді. Бейнеконференцияға сілтеме: <https://us05web.zoom.us/j/89426689093?pwd=aY2gRrWPDtGqFdfEugriu8AwXgnoEa.1>

Идентификатор: 894 2668 9093 Код: EK69gr

Бастамашы: «КазАзот» АҚ «Шағырлы-Шөмішті» филиалы, БСН: 121241019268, Маңғыстау облысы, Бейнеу ауданы, Бейнеу с., А.Молдагулова көш. 1А, тел: 8 7292 57 98 99 (350), a.taykenova@kazazot.kz

Жобаны әзірлеуші: «Запказпроект» ЖШС, БСН 051040005448, Ақтау қ., 17 ш/а, 26 ғй, 10 т.е.х., тел: 8705 748 28 88, zkp_aktau@mail.ru

Жергілікті атқарушы орган: «Маңғыстау облысының табиғи ресурстар және табиғат пайдалануды реттеу басқармасы» ММ, s.bazarbay@mangystau.gov.kz, тел: 8 7292 46-21-31

Жоба құжаттамасы <https://ndbecology.gov.kz/> сайтында орналастырылған.

Әсер етуучаскесінің / аумағының координаттары: 45,88017; 56,05187 / 45,32849; 55,19022

ОБЪЯВЛЕНИЕ

Филиал "Шағырлы-Шомышты" АО "КазАзот" сообщает о проведении общественных слушаний по корректировке проектов НДВ, НДС, ПУО, ПЭК и ППМ на 2026-2033гг.

Слушания состоятся: 5 декабря 2025 года в 15-00 часов

Место проведения: Мангистауская обл, Бейнеуский район, село Бейнеу Дом культуры «Абыл». Ссылка на видеоконференцсвязь: <https://us05web.zoom.us/j/89426689093?pwd=aY2gRrWPDtGqFdfEugriu8AwXgnoEa.1>

Идентификатор конференции: 894 2668 9093 Код доступа: EK69gr

Инициатор: Филиал «Шағырлы-Шомышты» АО «КазАзот», БИН: 121241019268, Мангистауская область, Бейнеуский район, с.Бейнеу, ул.А.Молдагуловой 1А, тел: 8 7292 57 98 99 (350), a.taykenova@kazazot.kz

Разработчик проекта: ТОО «Запказпроект», БИН: 051040005448, г. Ақтау, 17 мкр., 26 дом, н.п. 10, тел: 8705 748 28 88, zkp_aktau@mail.ru

Местный исполнительный орган: ГУ «Управление природных ресурсов и регулирования природопользования Мангистауской области», s.bazarbay@mangystau.gov.kz, тел. 8 7292 46-21-31

Документация по проекту размещена на сайте <https://ndbecology.gov.kz/>

Координаты участка/ территории воздействия 45,88017; 56,05187 / 45,32849; 55,19022



МӘДЕНИЕТ

Өнердің алтын ұясы

МАҢҒЫСТАУ ОБЛЫСЫНЫҢ МӘДЕНИ ӨМІРІНДЕ ӨЗІНДІК ОРНЫ БАР «КЕТЕЕВТЕР ӘУЕНІ» ЖАНҰЯЛЫҚ АНСАМБЛІ ХАЛЫҚТЫҢ РУХАНИ БАЙЛЫҒЫН АРТТЫРУҒА СҮБЕЛІ ҮЛЕС ҚОСЫП КЕЛЕ ЖАТҚАН ӨНЕР ҰЖЫМЫ. СОҢАУ 1991 ЖЫЛЫ ҚҰРЫЛҒАН БҮЛ АНСАМБЛЬ БҮГІНДЕ ОБЛЫСТАҒЫ ХАЛЫҚТЫҚ АТАҒЫ БАР ТАҢДАУЛЫ ШЫҒАРМАШЫЛЫҚ ТОПТАРДЫҢ БІРІ САНАЛАДЫ.



Ансамбльдің негізін қалаушы Сейфулла Кетеевтің өнерге деген шынайы ықыласы мен еңбегі зор еді. Өкінішке қарай, ол кісі кенеттен дүние салған соң, ансамбльді таратып жібермей, жұбайы Күланда Азаматова өнер жолын балаларымен бірге жалғастырып, шығармашылықтың туын төмен түсірмей келеді.

Ансамбль алғаш құрылғанда домбыра және сырнай аспаптарымен өнер көрсетіп, отбасылық ансамбльдердің облыстық байқауларына бірнеше рет қатысып, өз шеберліктерін көпшілікке таныта білді. Жылдар өте келе орындау мәдениетімен, көркемөнерпаздар шығармашылығына қосқан үлесімен ел ықыласына бөленіп

келеді.

2019 жылдан бері ансамбль жыл сайын өз тыңдармандарына есептік концерт ұсынып, аудандық деңгейдегі мәдени іс-шаралар мен байқауларда үздік өнер көрсетіп жүр. Әр түрлі жанрда өнер көрсетіп, түрлі номинациялар мен алғыс хаттарға ие болуда.

Ансамбль жетекшісі Күланда Азаматова тек өнер ұжымы басшысы ғана емес, сонымен қатар суретшілік қабілетімен, жеке вокал үйірмесінің ұстазы ретінде де танымал. Оның шығармашылық жұмыстары республикалық басылым беттерінен, атап айтқанда, «Ұстаз еңбегі» әдістемелік журналынан да орын алған.

Осындай тынымсыз еңбектің нәтижесінде Қ.Азаматова ағымдағы жылдың маусым айында елорда төрінде өткен «Білім өркениеті» орталығының ұйымдастыруымен өткен салтанатты шарада «Мәдениет саласының үздігі» төсбелгісімен марапатталды.

Өнері өрге жүзген «Кетеевтер ӘУЕНІ» жануалық ансамбліне шығармашылық табыс пен жаңа белестер тілейміз. Сондай-ақ Боранкүл мәдениет үйінің болашағы жарқын болып, көрерменін сапалы туындылармен қуанта беретініне сеніміміз мол.

**Бағғыт АСҚАРУЛЫ,
Боранкүл тұрғыны.**

САҚ БОЛАЙЫҚ

ЖЫЛЫТУ МАУСЫМЫНДАҒЫ ҚАУІПСІЗДІК

КҮЗДІҢ ЫЗҒАРЫ МЕН ҚЫСТЫҢ ҚАҒАРЫ КЕЛГЕН САЙЫН ҮЙЛЕРДЕ ЖЫЛУ БЕРУ МӘСЕЛЕСІ ӨЗЕКТІ БОЛА ТҮСЕДІ. АЛАЙДА ЖЫЛЫТУ МАУСЫМЫНДА ӨРТ ҚАУІПІ ДЕ АРТА ТҮСЕТІНІН ЕСТЕН ШЫҒАРМАУ ҚАЖЕТ. ӘСІРЕСЕ, ПЕШТЕР МЕН ТҮРМЫСТЫҚ ЭЛЕКТРЖЫЛЫТҚЫШ ҚҰРАЛДАРЫН ДҰРЫС ПАЙДАЛАНБАУ, ҚАУІПСІЗДІК ТАЛАПТАРЫНЫҢ САҚТАЛМАУЫ ҚАЙҒЫЛЫ ЖАҒДАЙЛАРҒА ӘКЕЛУІ МҮМКІН.

Бейнеу ауданының төтенше жағдайлар бөлімі тұрғындарға жылыту құралдарын қолдануда қарапайым сақтық шараларын ескеруді ұсынады.

Жылыту маусымы басталар алдында

әр үйдегі пеш пен түтіндіктер тексеріліп, қажет болса жөндеуден өтуі тиіс. Түтіндіктің өту жолдары мен төбе тұсы ақталған және оңай көзге түсетін болуы керек.

Пештің дұрыс орнатылмауы немесе қауіпсіздік талаптарының бұзылуы – тек өртке ғана емес, улы газбен улану жағдайларына да себеп болуы мүмкін.

Газбен жылытылатын пештер мен қазандықтарды пайдаланғанда заводтық нұсқаулықтар мен газ қызметі мамандарының ұсыныстарын қатаң сақтау қажет.

Өрт туындау қаупі бар мынадай жағдайларға қатаң тыйым салынады:

- термореттегішсіз және жанбайтын тұғырсыз электрпештерді қолдануға;
- қолдан жасалған немесе ақауы бар электржылытқыш құралдарын пайдалануға;
- сақтандырғыштың орнына рұқсат етілмеген сымдар мен құралдарды орнатуға.

Электржылытқыш құрылғыларын:

- жанғыш материалдардан алыс орналастыру;



- жиһаз, кілем, төсек-орын маңына жақын қоймау;
- балалардың қолы жететін жерге қоймау – аса маңызды.

Қарапайым ғана бұл талаптар сіздің және жақындарыңыздың қауіпсіздігін қамтамасыз етуге сеп болады.

Жылыту маусымындағы қауіпсіздік тек мамандардың ғана емес, әрбір азаматтың өз жауапкершілігінде екенін ұмытпаңыз. Өрттің алдын алу – оны сөндіргеннен әлдеқайда тиімді.

Сақтық шараларын ескеріп, үйіңіз бен жақындарыңыздың қауіпсіздігін қамтамасыз етіңіз!

**Абай БАЗАРБАЕВ,
аудандық төтенше жағдайлар бөлімінің аға инженері.**

МАМАН КЕҢЕСІ



СУЫҚ МЕЗГІЛДІҢ БАСТЫ ҚАУІПТЕРІНІҢ БІРІ – ТҰМАУ. БҮЛ ВИРУСТЫҚ ИНФЕКЦИЯ АДАМНАН АДАМҒА ӨТЕ ЖЫЛДАМ ТАРАЛАДЫ. ӘСІРЕСЕ АУА РАЙЫ САЛҚЫНДАП, КҮН ЫЛҒАЛДЫ БОЛҒАН КЕЗДЕ ТҰМАУ ІНДЕТІ ӨРШИДІ. СОНДЫҚТАН ДА МАМАНДАР БҮЛ МЕЗГІЛДЕ ЕРЕКШЕ САҚ БОЛУҒА КЕҢЕС БЕРЕДІ.

ТҰМАУДАН ҚАЛАЙ САҚТАНУҒА БОЛАДЫ?

Тұмау ауа – тамшы жолымен таралады. Яғни науқас адам жөтелгенде, түшкіргенде ауаға тараған вирус сау адамның тыныс жолдары арқылы ағзаға енеді. Сонымен қатар вирус лас қолдар, дұрыс тазаланбаған тұрмыстық заттар мен ойыншықтар арқылы да жұға алады. Қоғамдық көліктерде, адам көп жиналатын жерлерде, мектеп пен балабақшаларда бұл қауіп еселеуі мүмкін.

Тұмау өте тез басталады. Алғашқы белгілеріне бас ауруы, тамақтың ашып, жибырлауы, құрғақ жөтел, мұрынның бітелуі немесе асқан тұмау, дене қызуының көтерілуі (38–40°С), қалтырау, әлсіздік, тәбеттің болмауы, бұлшық еттер мен буындардың ауыруы, кей жағдайларда құсу немесе іш өту. Бұл белгілер пайда болған кезде, науқас міндетті түрде үйде қалып, дәрігерге қаралуы тиіс. Аурудың асқинуы қауіп жоғары – бронхит, пневмония, отит, синусит сынды қосымша аурулар тұмаудан кейін жиі дамиды. Сонымен қатар тұмау бұрыннан бар созылмалы аурулардың өршуіне себеп болады.

Тұмауға қарсы күресте ең маңыздысы – алдын алу шаралары. Төмендегі кеңестерді күнделікті әдетке айналдырған жөн:

Жеке гигиена: Қолды жиі, кемінде 20 секунд бойы сабындап жуу немесе антисептикпен сүрту.

Дұрыс тамақтану: Көкөніс, жеміс-жидек, С дәруменіне бай тағамдарды жиі тұтыну.

Суық тигізбеу: Ауа райына сай жылы киініп, денені тоңдырмау.

Таза ауа: Үй-жайларды күнделікті

желдетіп, ылғалды тазалық жасау.

Сұйықтық ішу: Күніне кемі 1,5 - 2 литр таза су, шай, жеміс шырындарын ішу.

Беттерде кию: Қоғамдық орындарда, көлікте, науқас адамдармен қарым-қатынаста бір реттік медициналық беттерде қолдану. Адамдардан арақашықтық сақтап, түшкіріп немесе жөтеліп жүрген адамдардан барынша аулақ болу маңызды.

Жөтелгенде қағаз майлықпен ауызды жабу немесе шынтақпен жабу. Қолмен жабу – вирустың тез тарауына себеп болады. Тұмаудан қорғанудың ең сенімді жолдарының бірі – вакцина егу. Дүниежүзілік денсаулық сақтау ұйымы мен еліміздің Денсаулық сақтау министрлігі жыл сайын күз айында тұмауға қарсы екпе алуға кеңес береді. Әсіресе созылмалы аурулары бар азаматтар, жүкті әйелдер, балалар (6 айдан бастап), медицина қызметкерлері, білім беру ұйымдарының қызметкерлері екпе салдыруы міндетті.

Тұмауға қарсы вакцина – аурудың жеңіл өтуіне, асқынбауына және эпидемияның таралмауына көмектеседі. Қарапайым гигиена ережелерін сақтау, дұрыс тамақтану, имунитетті нығайту және вакцина салдыру – тұмаудан сақтанудың негізгі жолдары. Есте сақтайық: өз денсаулығымыз – өз қолымызда! Күзгі маусымда өзіңізді және жақындарыңызды қорғау үшін алдын алу шараларын уақытылы қолға алғаныңыз жөн.

**Светлана БАЗАРБАЕВА,
Салауатты өмір салтын ұстану кабинетінің меңгерушісі.**

ХАБАРЛАНДЫРУ

Есет ауылындағы атаусыз көшеге атау беру туралы жергілікті қоғамдастық жиналысы 2025 жылдың 28 қараша күні сағат 10:00-де ауыл әкімдігі ғимаратында өткізілетіндігін хабарлаймыз.

Мекен-жайы: Есет ауылы, 1-аймақ 108-ғимарат, «Есет ауылы әкімінің аппараты» мемлекеттік мекемесінің ғимараты.

**«Есет ауылы әкімінің аппараты» мемлекеттік мекемесі
Байланыс телефондары: 8(72932) 35-2-22.**

№454

Меншік иесі:

**MAŃGYSTAŪ
MEDIA**

**Директор
Әнуарбек БИМАҒАМБЕТ**

Қабылдау бөлімі,
тел./факс: 20-48-34,
mangystau.media@mail.ru

Рауан
аудандық қоғамдық-саяси газет

Газет Қазақстан Республикасы Мәдениет және ақпарат министрлігінде “06”.02.2013 жылы есепке қойылып, №13363-Г куәлігі берілген.

**Редактор – Таңат АМАЛБАЕВ.
Тілшілер: Үміт ҚАЗДАЕВА,
Гүлнара ЖАЙЫҚОВА.**

Газет «Маңғыстау - Медиа» ЖШС
Ақпарат және дизайн орталығында беттелді

**Жетекші –
Гүлнара ТАСБОЛАТОВА**

Беттеуші дизайнер –
Асем РАБАЕВА.

«Атырау-Ақпарат» ЖШС баспаханасында басылды. 060005, Атырау қаласы, Ж.Молдағалиев көшесі, 29А.
Тел: 8 7122 458-660, 586-392.
Тапсырыс: 1241

- Газет жарияланымдарындағы автор пікірі редакцияның түпкілікті көзқарасы болып есептелмейді.
- Жарияланған материалдарды сілтемесіз көшіріп басуға болмайды.
- Жарнама, хабарландырулар мазмұнына редакция жауап бермейді.
- Редакцияға жолданған материалдарға рецензия жасалмайды және қолжазба авторға қайтарылмайды.
- Тақырыптық суреттер ғаламтордан алынады

**Таралымы: 2051. Индекс: 65690
газет бағасы келісімді**

АУА РАЙЫ БОЛЖАМЫ

28 ҚАЗАН	
түнде: +9	күндіз: +21
29 ҚАЗАН	
түнде: +10	күндіз: +23
30 ҚАЗАН	
түнде: +10	күндіз: +20
31 ҚАЗАН	
түнде: +8	күндіз: +19
1 ҚАРАША	
түнде: +8	күндіз: +19